

TEZAUUR LITURGIC
4 IULIE

ACATISTUL
SF. MUCENIC
IOAN
HARITONOV
DE LA
MOSCOVA



MOSCOVA, 2000



Акафист

святому новомученику и

Страстотерпцу Иоанну

Харитонову, верному служителю

Царственных мучеников

Кондак 1

Избранный воине Христов, достоблаженный
новомучениче Иоанне, венцем славы небесныя
украшенный, похвальное пение тебе приносим,
ты же яко дерзновение имея ко Господу, моли
Всеблагаго и Всемилосерднаго Творца Нашего
даровати милость почитающим святую память
твою и теплым сердцем поющим:

Радуйся, всехвальный страстотерпче Христов
Иоанне, купно с царем Николаем в чертозах
Отца Небеснаго присно торжествующий!

Икос 1

Ангелов Творец, создавый небо и землю,
светлейшими звездами новомучеников
российское церковное небо украсил есть. К
сонму всепобедному сопричти и ты, достославне
Иоанне, верность и веру Христу, Царю
Предвечному, свято соблюдшего, заповеди о
любви к Богу и ближним исполнившего в
служении твоём монарху земному. Ты бо славу
Владычню миру безбожному терпением мук

явил еси и воссел купно с мученики
царственными одесную Бога Отца Всемогущего.
Днесь прославляем тя, воспевая ти сице:
Радуйся, отцу верных праведному Аврааму
подражавый;
Радуйся, Иову многотрадальному в слезах и
терпении уподобивыйся;
Радуйся, елеем благочестия и благотворения
душу твою помазавый.
Радуйся, веру истинную, надежду несумненную
и любовь нелицемерную стяжавый;
Радуйся, любовь твою к Богу любовью к
Государю показавый;
Радуйся, со святыми на небеси вечно царствуй.
Радуйся, от горних высот райских к нам
милостивно приникаяй;
Радуйся, благодеяния преславныя нам присно
источаяй.
Радуйся, всехвальный страстотерпче Христов
Иоанне, купно с царем Николаем в чертозах
Отца Небеснаго присно торжествующий!

Кондак 2

Видел еси, благий Иоанне, во царственном граде
Петрове храмов Божиих благолепие, обителей
иноческих украшение, святых икон почитание,
умилялся еси сердцем твоим, службы церковныя
на преславнем подвории Леушинстем посещая,
богослужение церковное возлюбил еси зело. И

такo вo благoчeстии вoзрaстaя, тщaлся eси Oтeчeствия Нeбeснaгo дoстигнyти, идeжe Гoспoдь вo слaвe прeбывaeт, идeжe нeпрeстaннo aнгeльскaя пeснь: Аллилуиa.

Икoc 2

Разум твой в благoчeстии yтвeрдил eси, свyтый Иoaннe, oт юнoсти бo хрaнил eси в сeрдцe твoeм зaкoн Бoжий, в вeрe Христoвoй пaстырeм Крoнштaдтским и иными блaгими yчитeлями нaстaвляeмый юнoшa крoткий и блaгoнрaвный был eси. Сeгo рaди призвa тa свyтый блaгoвeрный цaрь Никoлaй, в пoслyжeниe прeстoлy свoeмy и, якo вeрнaгo слyжитeлeя, a пoслeжe сaнoм грaждaнствa пoчeтнaгo пoчтe тa. Тeм сицeвыя пoхвaлы приносим ти:

Рaдуйся, грaдa Пeтрoвa дoбрoплoднoe прoзyбeниe;

Рaдуйся, рoдa чeстнaгo oтрaслe прeкрaснaя;

Рaдуйся, цвeтe блaгoyxaнный дoбрaгo вoспитaния;

Рaдуйся, сoсyдe Бoжeствeннaгo избрaния.

Рaдуйся, в рaзyмe Бoгoм прoсвeщeнный;

Рaдуйся, сeрдцeм вo Христe yтвeрждeнный.

Рaдуйся, oбрaзe сyпрyжeствa нeпoрoчнaгo и нeлeстнaгo;

Рaдуйся, всeдyшeвнe взыскaвый цaрствия нeбeснaгo.

Рaдуйся, всeхвaльный стрaстoтeрпчe Христoв

Иоанне, купно с царем Николаем в чертозех
Отца Небеснаго присно торжествующий!

Кондак 3

Силою благодати Божия укрепляеми, крестным
путем евангельским в житии вашем шествовал
еси, благий Иоанне. Темже и нас молитвами
твоима от всех козней лукаваго диавола укрепи,
да непреткновенно возможем пройти путем
заповедей Божиих и выну воспевати: Аллилуиа.

Икос 3

Имуще тя, новомучениче Христов, скорого в
бедах помощника благовернии людие, в
напастех и скорбех тя на помощь молитвенно
призывают, и милость небесную молитвами
твоими от щедродавца Бога обильно
приемлюще, тебе от любве теплыя хвалебно
вопиют:

Радуйся, адаманте, крепость в терпении нам
показавый;

Радуйся, камению, образ твердости в вере нам
явивый;

Радуйся, служителю царев, облаченный в
порфиру нетления.

Радуйся, угодниче Христов, багряницу
страданием стяжавый.

Радуйся, страстотерпче Божий, со святыми
почиваяй;

Радуйся, избранниче Господень, милосердие твое нам являй.

Радуйся, радости нам вечныя известный ходатаю.

Радуйся, грешников кающихся с Богом примирителю.

Радуйся, всехвальный страстотерпче Христов Иоанне, купно с царем Николаем в чертозех Отца Небеснаго присно торжествующий!

Кондак 4

Бури житейских бед и напастей не возмогоша поколебати крепости души твоея, всеблаженне Иоанне, яко основана бо бе на твердем веры Христовы камени, на немже всегда предстоя, искусно избегал еси многообразных козней лукаваго, поюще Спасителю своему: Аллилуиа.

Икос 4

Слышавше словеса апостольския «Бога боитесь, царя чтите» (1 Петра 2, 17), угодниче Христов, благочестно и ревностно послужил помазанику Божию, не корыстию и тщеславием влекомый, обаче любовью к Царю Небесному и благоверному государю Николаю. Мы же сие ныне поминающе, просим тя: утверди и нас в житии богоугоднем и прими милостиво величания сия:

Радуйся, трисвятую песнь херувимски со Ангелы

и всеми святыми воспевающий;
Радуйся, зарями огненными благодати Божия сияющий;
Радуйся, яко светило светозарное в небесном Царстве блистающий;
Радуйся, светом благодати твоея всех чтущих память твою просвещающий;
Радуйся, твердою верою и крепкою верностию нас обогащающий;
Радуйся, доверие к Богу Предвечному в сердцах пробуждающий;
Радуйся, от суетнаго славолюбия и суеты мирския отвращающий;
Радуйся, к истинам вечным духовныя взоры наша обращающий;
Радуйся, всехвальный страстотерпче Христов Иоанне, купно с царем Николаем в чертозех Отца Небеснаго присно торжествующий!

Кондак 5

Боготечную звезду зрим тя, угодниче Божий, ты бо, восприимшаго страдания истины Христовой, любви к ближним, верности Государю всероссийскому ради, прослави Господь. Ныне же подаеши всем обильные милости, святой новомучениче Иоанне. Мы же, взирающе с любовью на честный образ твой, приклоняем колена, со умилением поя о тебе Христу:
Аллилуиа.

Икос 5

Видев тя, преславный Иоанне, благоверный царь – мученик Николай, честно служаща себе, почти благоволением своим, и в круг ближних своих прия тя, ты же трапезу августейшей семье ежедневно приготавлиал еси и в страстствиях радостных и скорбных Государю сопутник верный был еси, с монархом же твоим за Христа Распятого купно пострадавше, обрел еси у Вседержителя нетленный венец славы, и ныне просим тя: створи моливу вместе с Царственными мучениками и слуги верными Всемогущему Господу Нашему, да дарует нам вся, к животу временному и вечному полезная и потребная. Сего же ради вопием ти сиче:
Радуйся, изгнанником венценосным паки всеусердно послуживый;
Радуйся, в трудах твоих при поварне дары благодатныя явивый;
Радуйся, житием твоим Солнце Правды, Христа проповедавый;
Радуйся, заповеди Господни творити научающий;
Радуйся, окамененная сердца во источницы милования обращающий;
Радуйся, милование Христово к немощным и грешным проповедавый;
Радуйся, алчущия и жаждущия души Хлебом

Небесным питайяй;
Радуйся, скорбящая и обремененная упованием
на Матерь Божию укрепляяй.
Радуйся, всехвальный страстотерпче Христов
Иоанне, купно с царем Николаем в чертозах
Отца Небеснаго присно торжествующий!

Кондак 6

Проповедует днесь Церковь Российская вашу
славу твою, всехвальный Иоанне, яко веру
несумненную, надежду крепкую в Иисуса
Христа ты сподобился еси стяжати, жизнь свою
положивше за слово Владыки Христа,
страстотерпче преславне. Сице молим тя:
помяни нас, недостойных у Престола Господня,
тамо Ему вопиюще: Аллилуиа.

Икос 6

Возсиял еси светом истины в многострадальной
стране Россиистей, святой новомучениче
Иоанне, любовью твоею к благочестивому
государю и ближним твоим образ Христа
являеши, яко в годину буйных мрачных дней,
егда многия люди страха и малодушия ради
оставиша Божия помазанника, ты в изгание
купно со иными други и слуги верными
последовал еси, и тако долженствование твое
благое исполнил еси. Сего ради воспеваем ти
таковая:

Радуйся, прещений нечестивыя власти не
убоявыйся;
Радуйся, в роде сем Господа исповедати не
постыдивыйся.
Радуйся, иго Христова на рамена своя вземый
Радуйся, вслед Господа тесными враты ходивый.
Радуйся, вместо сладости земныя терния
избравый;
Радуйся, ныне же нетленным венцем от Бога
украшивыйся.
Радуйся, имя твое святое усердно
призывающим помогаяй.
Радуйся, от всяких напастей и обстояний
избавляяй.
Радуйся, всехвальный страстотерпче Христов
Иоанне, купно с царем Николаем в чертозах
Отца Небеснаго присно торжествующий!

Кондак 7

Хотя верен быти подражатель Агнца Божия,
кротость и смирение Его себе усвоив, от
завистных человек всякия обиды и скорби
безропотно претерпел еси, егда из града Петорва
в Сибирь с государем последовал еси; но ведый,
яко скорбьми временными подается вечное
спасение, взывал еси Спасу всех: Аллилуиа.

Икос 7

Новый и немеркнувший светильник явился еси, благий и верный угодниче Божий Иоанне, ты бо за правду Христову чести лишения, изгнания, заточения купно с Государем во граде Тобольске, а послеже и в Екатеринбургзе биение, осмеяние, заушения и иные злострадания кротце претерпел еси прежде кончины мученичестей. Мы же, сие ныне поминающе, величаем тя сице: Радуйся, смиренномудрием всяку распрю погасивый.

Радуйся, кротостию злобу победивый.

Радуйся, любовьию вражду отмстивый.

Радуйся, спутники твоя в терпении укрепивый.

Радуйся, в неправеднем изгнании, входы Царства Небеснаго обретый.

Радуйся, питателю наш, сладостьми небесными насыщайся.

Радуйся, покровителю наш, во кровех небесных водворивыйся.

Радуйся, предстателю наш пред Богом, ангельская зряй утешения.

Радуйся, всехвальный страстотерпче Христов Иоанне, купно с царем Николаем в чертозах Отца Небеснаго присно торжествующий!

Кондак 8

Странно бысть злочестивым богоотступницею зрети житие твое, новомучениче Иоанне, яко не

о о мимотекущих и преходящих благах земных помышляя еси; егда нечестивых советы, о еже оставить ти Царя Николая во граде Екатеринбурзе отвергя еси. Мы же, благочестие и мудрость воспевающее, Всеблагото Господа Нашего, умудрившего тако тя, славим вопиюще Ему о тебе: Аллилуйя.

Икос 8

Всего себе в руке Господни предал еси, страсотерпче святыи, егда в доме Ипатиевском купно с августейшею семьею пребывал еси, труды твоими и любовью Государю, императрице и царевнам утешение являя и в несении креста тяжкаго мучеников царственных укрепляя. Мы же, воспоминающе сие, восписуем ти:

Радуйся, Царя Небеснаго добрый воителю;

Радуйся, царя земнаго верный служителю;

Радуйся, всех к тебе прибегающих скорый услышателю;

Радуйся, о всех тебе с верою молящихся прилежный попечителю;

Радуйся, обремененных и озлобленных скорый поборниче;

Радуйся, яко молитвою твоею от клеветы нас защищаеши;

Радуйся, яко попечением твоим от злых недругов нас охраняеши

Радуйся, о любви Христовой житием твоим вещающий.

Радуйся, всехвальный страстотерпче Христов Иоанне, купно с царем Николаем в чертозах Отца Небеснаго присно торжествующий!

Кондак 9

Всякия скорби, болезни и труды в заточении от богоборцев непоколебимо претерпел еси, в сердце твоём Единого Господа имеяй, всехвальный Иоанне, тем же мученически странствие земное совершил еси и в Горния обители вселился еси, вознося песнь Богу: Аллилуиа.

Икос 9

Витийство человеческое не довлеет во еже по достоянию тя, богоблаженный страстотерпче Христов Иоанне, прославити, обаче любовь к тебе, покровителю наш святой, подвижмы приносим ти хваления сицевая:

Радуйся, нищетою духовною блаженства Царства Небеснаго унаследовавый;

Радуйся, плачем о грехах утешение Христово приявый.

Радуйся, алчною и жаждою правды Божия нетленныя пищи небесныя насытивыйся;

Радуйся, милостию сострадания к ближним милость Божию восприявый.

Радуйся, во умиротворении озлобленных, яко сын Божий нареченный.

Радуйся, во изгнании правды ради блаженства Царства Небеснаго приобщивыйся;

Радуйся, в ложном поношении и злословии от нечестивых во Христа облекийся.

Радуйся, Божественному Промыслению себе конечно вручивый;

Радуйся, всехвальный страстотерпче Христов Иоанне, купно с царем Николаем в чертозах Отца Небеснаго присно торжествующий!

Кондак 10

Спасти хотя душу свою, вся земная и временная во уметы вменил еси, неуклонно стопам Спасителевым последствовав. И ныне с лики ангельскими веселяся, немолчно вопиеши Прославльшему тя Господеви: Аллилуиа.

Икос 10

Стеною терпения оградився, верный служителю царя земнаго и благий последователю Иисуса Христа, Царя Небеснаго, за нас Распятаго, воистину явился еси. Вражиих бо устрашений не убоявся, всего себе в руке Божии предал еси и кончину мученическую купно с Государем, августейшею семьею и слуги верными приял еси. Мы же, чтуще святую память твою, ублажаем тя, вопиюще:

Радуйся, от лет ранних Бога всем сердцем
возлюбивый;
Радуйся, верен Тому до конца дней твоих
пребывый;
Радуйся, жизнь твою безраздельно Господеви
послуживый;
Радуйся, темже Отчизну Нетленную себе
унаследовавый;
Радуйся, в Небесный чертог Царский вошедший.
Радуйся, светлыми ризами украшенный;
Радуйся, славы присносущныя причастниче;
Радуйся, света неизреченнаго зрителю.
Радуйся, всехвальный страстотерпче Христов
Иоанне, купно с царем Николаем в чертозах
Отца Небеснаго присно торжествующий!

Кондак 11

Пение тебе приносим, досточудне Иоанне, аще и
не зрим многоценных мощей твоих, обаче вемы
Тя, яко молитвенника преславнаго за ны у
престола Божия, идеже со всеми святыми
воспеваеши Ему: Аллилуия.

Икос 11

Светильника ты добрых дел, новомучениче
Иоанне, исповедуем быти, теплыми бо
молитвами ко Христу Богу и Пречистой Его
Матери, укрепляеши и утверждаеши всех
чтущих святую память твою в делании

заповедей о любви к Богу и ближним нашим, яко и ныне пред Ними ходатайствуеши и светом Божественныя любви согреваеши души и сердца приходящим к тебе и поющим тебе сице:

Радуйся, немощныя и страждущия благостию твоею покрываяй;

Радуйся, всем требующим твоея помощи милостивно сию подаваяй.

Радуйся, за вся людие, добрыя и злыя, молитву проливаяй,

Радуйся, милости Божия к ним призываяй,

Радуйся, яко ослабевшия духом укрепляеши;

Радуйся, яко веру оскудевающую восполняеши.

Радуйся, в благоговении пред Богом жити научающий;

Радуйся, малодушныя и немощныя укрепляющий.

Радуйся, всехвальный страстотерпче Христов Иоанне, купно с царем Николаем в чертозех Отца Небеснаго присно торжествующий!

Кондак 12

Благодать и дар братолюбия испроси у Всесвятаго Господа Иисуса, новомучениче Иоанне, да возлюбим друг друга истинною любовью евангельскою, иже заповеда Спаситель Наш хранить и преумножати, да тобою наставляемы научимся убо друг друга тяготы носить, избегая похоти себелюбия и

неблагодарныя, да сподобимся с надеждою и верою в исцеляющую благодать Божию воспевати Триипостасному Творцу Нашему песнь: Аллилуиа.

Икос 12

Воспевая терпение и верность твою, яко подвиги за Христа, преславне тобою подъятыя, добропобедный стратотерпче Иоанне, хвалим веру и надежду твою, яже к Богу, величаем любовь твою к ближним твоим и ублажаем мученическую кончину, почитаем и священную память твою, покровителю наш и заступниче, и в похвалу тебе поем сицевая:

Радуйся, в невечернем дни Царствия Божия почивающий;

Радуйся, страдания в радость обращающий;

Радуйся, малодушия и страхов нас избавляющий;

Радуйся, в благочестии нас утверждающий;

Радуйся, в правоверии стоящих незыблемое утверждение;

Радуйся, во благочестии ходящих крепкое ограждение;

Радуйся, унывающим благодатное ободрение;

Радуйся, изнемогающим внезапное укрепление;

Радуйся, всехвальный стратотерпче Христов

Иоанне, купно с царем Николаем в чертозах

Отца Небеснаго присно торжествующий!

Кондак 13

О прехвальный новомучениче Иоанне, прими ныне наше моление сие малое, в похвалу тебе возносимое, и благоприятными молитвами твоими умоли Господа нашего Иисуса Христа, по велицей Его милости сподобити Царствия Небеснаго, да вси радостно вопием Милосердному Богу Нашему: Аллилуиа, Аллилуиа, Аллилуиа.

Молитва

О, всехвальный страстотерпче Христов Иоанне, царю земному верно и благочестно послуживый и Царю Небесному подвиги жития твоего и кончиною мученическою угодивый! Призри ныне от горния славы на нас смиренных и немощных, обремененных грехи многими, твоя помощи и утешения умильно просящих. Темже молим тя, святой новомучениче, испроси и нам у Бога благоприятное и спасительное время на покаяние. Да отпустит Всемиловитый Господь народу нашему грехи за предание и убиение Царя, Помазанника Божия, за осквернение и разорение храмов и за поругание всякия святыни земли Русския. Ве мы яко осуетихомся умом и сердцем предахомся непотребным и лютым страstem, благочестие презрехом, паче же бесовское нечестие возлюбихом. Веруем, всехвальный

Иоанне, яко аще Христовою любовью возлюбил еси благовернаго Царя Николая, сице просим тя: умоли, святой страсготерпче Христов Иоанне, купно с Царственными Страсготерпцы и со всеми Мученики и Исповедники Российскими, Господа Бога Царя Сил, да подаст и нам грехов прощение, да процветет в России вера Христова и водворится паки ликование праведных, и да возстанет из забвения престол законных и христолюбивых царей.

Не презри убо молений наших, изливаемых ныне пред тобою, и вознеси я ко всещедрому Богу, яко кадило благовонное, да твоими ходатайствы почиет благодать Его во граде нашем, идеже почитаются преславное имя и многоцелебные мощи твои. Темже сохраняеми твоим предстательством, мирно и благочестно да проживем в веце сем, да никтоже во уповании своем на тя посрамлен будет, и да обрящем благодать и милость Господа нашего, Емуже подобает всякая слава, честь и поклонение ныне и присно и во веки веков. Аминь.

